



НИЙСЛЭЛИЙН БАГАНУУР ДҮҮРГИЙН ЗАСАГ ДАРГЫН ТАМГЫН ГАЗАР

Нацагдоржийн гудамж 58, Наран хороолол,
1 дүгээр хороо, Багануур дүүрэг, Улаанбаатар хот, 12090
Утас/Факс: 7021-0017, 7021-0330
<http://www.bnd.ub.gov.mn>

2019.01.30 № 07/05
танай _____ -ны № _____ -т

Г БАГАНУУР ДҮҮРГИЙН 7 БАЙГУУЛЛАГАД

Монгол Улсад инновацийг дэмжих зорилгоор “Жижиг дунд бизнесийн инновациудыг дэмжих сан”, “Залуу эрдэмтэд, гарсааны бизнесийн инновациудыг дэмжих сан”, “Бүтээлч сэтгэлгээ, медиа болон цахимжуулалтын төрлийн инновациудыг дэмжих сан” тус тус байгуулагдсан байна.

Эдгээр сангудын үйл ажиллагааны хэрэгжилтийг хангах ажлын хүрээнд 2019 оны 02 дугаар сарын 14-ний өдрийг хүртэлх хугацаанд инновацийн төслийн материалыг Нийслэлийн Үйлдвэрлэл инновацийн газарт хүлээн авах тул иргэд, аж ахуйн нэгж байгууллагуудад мэдээллийг хүргэж хамтран ажиллана уу.

Хавсралт 3 хуудастай.

Хувийг: Нийслэлийн үйлдвэрлэл инновацийн газарт

ДЭД БҮТЭЦ, ҮЙЛДВЭРЛЭЛ,
ҮЙЛЧИЛГЭЭНИЙ ХЭЛТСИЙН
ДАРГА Б.ЭРДЭНЭЧИМЭГ

1120200106

ИННОВАЦИЙН САНААГАА ХӨГЖҮҮЛЭХ, ТУРШИХ, ЗАХ ЗЭЭЛД НЭВТРҮҮЛЭХ БОЛОМЖИД ТАНЫГ УРЬЖ БАЙНА

Монгол Улсад инновацийг дэмжих зорилгоор Монгол Улсын үндэсний хөгжлийн газар болон GIZ ЭТИС хөтөлбөр хамтран “Жижиг, дунд бизнесийн инновациудыг дэмжих сан”, “Залуу эрдэмтэд, гарцааны бизнесийн инновациудыг дэмжих сан”, “Бүтээлч сэтгэлгээ, медиа болон цахимжуулалтын төрлийн инновациудыг дэмжих сан” байгуулсан бөгөөд эдгээр сангудын үйл ажиллагааны хэрэгжилтэд Нийслэлийн Үйлдвэрлэл, инновацийн газар хамтран ажиллаж байна.

Тус сангуд нь инновацийн төслийн материал хүлээж авч эхэлсэн бөгөөд дараах байдлаар дэмжлэг үзүүлнэ.

Үүнд:

- Бүтээгдэхүүн, үйлчилгээ, болон системийн инновацийн санаануудыг хөгжүүлэхэд санхүүгийн дэмжлэг үзүүлэх болон хөгжүүлэлтийн явцад зөвлөх үйлчилгээгээр хангах
- Санхүүгийн дэмжлэг хүлээн авах төслийн хэрэгжүүлэгч нь нийт төслийн зардлын 20%-с доошгүй хэмжээг өөрөө санхүүжүүлэх шаардлага төслийн зүгээс тавигдана.
- Нэг төсөлд олгох санхүүгийн дэмжлэгийн дээд хэмжээ 45.0 сая төгрөг хүртэл байна.

Та өөрийн инновацийн санаагаа 2019 оны 2-р сарын 14-ний өдрийн дотор дараах хяагт ирүүлнэ үү.

Электрон хувилбарыг: InnovationfundMongolia@gmail.com хаяг руу

Цаасан хувилбарыг: Чингэлтэй дүүрэг, 4-р хороо, НҮБ гудамж, 38-р байр 2-р давхарт Инновацийн санд

Төсөл нь дараах бүтэцтэй байна.

Үүнд:

1. Шийдвэрлэх асуудлаа тодорхойлох
2. Асуудлын шийдлээ танилцуулах
3. Шийдвэрлэх арга замаа дэлгэрэнгүй танилцуулах
4. Боломжит зах зээлийн талаар мэдээлэл оруулах
5. Холбогдолтой бусад баримт материалыуд

Төсөл шалгаруулах үе шатууд нь дараах байдлаар явагдана:

1. Төслөө “Инновацийн сан”-д ирүүлнэ.
2. Төслийн удирдах нэгжээс эхний шатны шалгаруулалтыг төслийн бүтцийн бүрэн бүтэн байдлыг харгалzan хийнэ. /Дээр дурдсан 1-5 дугаартай бүтцийн дагуу/
3. Эхний шатанд шалгарсан төсөл хэрэгжүүлэгчдийг бизнес төлөвлөгөө боловсруулах сургалтад хамруулан сургалтын зардлыг сангаас хариуцна. Сургалтаар танилцуулагдсан загварын дагуу төслөө сайжруулан бичиж дахин санд өгнө.
4. Сургалтад хамрагдсан төсөл ирүүлэгч нарын төслийг төсөл шалгаруулах хороогоор хэлэлцэж ямар нехцөлөөр дэмжлэг олгох талаар шийдвэр гарна. Шийдвэр гаргалт нь зөвхөн төслийн мэдээлэл дээр үндэслэн хийгдэнэ.
5. Гэрээ байгуулна.
6. Төсөлд заагдсан хуваарийн дагуу дэмжлэгийг төслийн удирдах нэгжийн зөвшөөрлөөр тухай бүрт олгоно. /Анхаарах зүйл: дэмжлэгийг шууд төсөл хэрэгжүүлэгчид шилжүүлэхгүй бөгөөд сангаас төслийн саналд заагдсаны дагуу бүтээгдэхүүн үйлчилгээ нийлүүлэгчид шилжүүлнэ./

Төслийг шалгаруулахдаа дараах шалгуур үзүүлэлтүүдийг харгалзана.

Үүнд:

1. Төслийн хэрэгжих боломжит байдал /бодитой байдал/
2. Эдийн засгийн ашигт байдал
3. Байгаль орчинд ээлтэй эсэх

4. Нийгмийн орчинд үзүүлэх нөлөө

5. Ажлын байр нэмэгдүүлэх байдал

Сангийн талаар дэлгэрэнгүй мэдээллийг доорх линкээр зочлох болон утсаар
лавлана

уу.

Утас: 99841236, 99053467

Инновацийн сангийн талаар мэдээлэл

Инновацийн сангийн үндсэн зорилго нь:

Инновацийн сан нь Монголчуудын амьдралд эерэг өөрчлөлт авч ирэх шинэлэг санаа болон инновацийг дэмжих зорилготой. Санд ирүүлэх шинэлэг инновацилаг санаануудын жишээ нь:

- Цоо шинэ бүтээгдэхүүн, үйлчилгээ эсвэл одоо байгаа үйлчилгээг хэрэглэгчдэд хүргэх шинэлэг хялбар арга
- Хэрэглэгч нь хувь хүн, албан байгууллага, айл өрхүүд
- Экспортын бүтээгдэхүүн эсвэл зөвхөн Монголд хэрэглэгддэг бүтээгдэхүүн
- Зөвхөн эмэгтэйчүүдэд, залууст, эсвэл Монгол дуу хөгжим сонирхдог хүмүүст зориулсан бүтээгдэхүүн, үйлчилгээ

Санд ирүүлэх таны санааг аливаа байдлаар хязгаарлахгүй. Хамгийн гол нь энэ санаа нь шинэчлэлт сайжруулалтыг бүтээж байх нь чухал. Шинэ санааг амьдралд хэрэгжүүлэхэд шаардлагатай санхүүгийн эх үүсвэрийг олоход хэцүү байх нь түгээмэл асуудал. Тийм ч учраас манай сан байгуулагдаад байна. Сан нь таны инновацийн санааг хөгжүүлэх, турших, зах зээлд нэвтрүүлэхэд дэмжлэг үзүүлнэ. Дэмжлэг нь таны инновацийн санааг хөгжүүлэхэд шаардлагатай зардлын 80 хүртэлх хувийг тус сангаас хариуцах байдлаар хэрэгжинэ. Инновацийн санааг хөгжүүлэхэд шаардлагатай зардлуудыг тус сангаас шууд ханган нийлүүлэгчид төлөх байдлаар, шаардлагатай зөвлөх үйлчилгээний зардал болон бусад зардлыг төлөх байдлаар дэмжлэг үзүүлэх боломжтой. Мөн тус сангийн зүгээс эхний шатанд шалгарсан төсөл ирүүлэгч наарт төлөвлөлт, төслийн удирдлагын чиглэлээр богино хугацаатай сургалтад хамруулна.

Мэдээж сангийн хөрөнгө хязгаартай тул санд ирүүлсэн төслүүдээс шалгаруулж шалгарсан төслүүдийг Үндэсний хөгжлийн газрын веб хуудсанд олон нийтэд нээлттэй мэдээлэх болно. Мөн үндэсний хөгжлийн газрын веб хуудсанд сангийн цаашдын үйл ажиллагаануудын талаарх мэдээлэл тавигдах болно. Бид таны инновацийн санааг хүлээн авахыг тэсэн ядан хүлээж байна.

Үйл явцын шат дараалал

1-р алхам

Өөрийн инновацийн санааны талаарх мэдээллээ бэлтгэж санд ирүүлэх. Бэлтгэсэн санаагаа имейлээр, шуудангаар эсвэл өөрийн биеэр санд ирүүлэх боломжтой. Төслийг биет болон имейл байдлаар 2019 оны 2-р сарын 14-ний өдрийг дуустал хүлээн авахыг анхаарна уу.

2-р алхам

Сангийн баг таны төслийг хүлээн аваад төсөл хүлээн авсан тухай баталгаажуулсан хуудас /имейл/ өгөх бөгөөд төслийн бүрдэл, хэрэгжих боломж зэргийг харгалзан, эхний шатны шалгаруулалтыг хийн. Эхний шатанд шалгарсан төсөл ирүүлэгч нарыг бизнес төлөвлөгөө боловсруулах сургалтад хамруулах урилга илгээнэ.

3-р алхам

Бизнес төслийн сургалтад хамрагдсаны дараа төслөө сайжруулан сангаас гаргасан загварын дагуу бичиж хүргүүлнэ. Шинэчилсэн төслийг имейлээр болон шуудангаар эсвэл өөрийн биеэр хүргүүлэх боломжтой.

4-р алхам

Төслийн нэгжээс төслүүдийг хүлээн авч төсөл хэрэгжүүлэгчийн нэрийг нууцлах байдлаар сонгон шалгаруулалтад бэлтгэнэ. Шинэчилсэн төслийг хүлээн авсан тухай баталгаажуулалт 1-р алхамд дурдсантай адилаар хийгдэнэ.

5-р алхам

Төсөл сонгон шалгаруулах хурал нь 6 гишүүнтэй байх бөгөөд эхний шатанд шалгарсан төслүүдтэй танилцан төслүүдийг хамгийн өндөр үнэлгээнээс хамгийн бага үнэлгээ хүртэл жагсаалт гаргана. Жагсаалтын эхнээс дарааллын дагуу төслүүдийг санхүүжүүлэх бөгөөд төслийн санхүүжилтээс шалтгаалан зарим төслүүд санхүүжилт авахгүй байх магадлалтай.

6-р алхам

2-р шатанд шалгарсан төслүүдийн хэрэгжүүлэгч нартай уулзаж төслийг хэрэгжүүлэх талаар ярилцаж гэрээ байгуулна. Сангаас санхүүжилт авахаар дэмжигдсэн төслүүдийн хэрэгжүүлэгчийн нэрс, төслийн ерөнхий мэдээлэл зэргийг /нууцлалтай холбоотой мэдээллийг нийтлэхгүй/ Үндэсний хөгжлийн газрын веб хуудсанд олон нийтэд нээлттэй байдлаар мэдээлнэ.

7-р алхам

Сан нь төсөл хэрэгжүүлэгчид шууд мөнгөн хөрөнгө шилжүүлэхгүй бөгөөд зөвхөн төслийг хэрэгжүүлэхэд шаардлагатай бүтээгдэхүүн үйлчилгээний үнийг шууд ханган нийлүүлэгчид төлөх байдлаар гүйлгээг хийнэ.

8-р алхам

Сангийн зүгээс зөвхөн санхүүгийн дэмжлэг өгөхөөс гадна төсөл хэрэгжүүлэх үед шаардлагатай зөвлөгөө мэдээлэл өгөх болон хяналт тавих байдлаар төслийн үйл ажиллагаатай танилцан хэрэгжүүлнэ.

АЛБАН БИЧИГ ХҮРГҮҮЛСЭН БАЙГУУЛЛАГУУД

№	Байгууллагын нэрс
1	1-р хороо
2	2-р хороо
3	3-р хороо
4	4-р хороо
5	5-р хороо
6	Жижиг дунд үйлдвэрийг дэмжих төв
7	Үйлдвэрлэл технологийн парк ОНӨТҮГ